

1 **Hybrid rice, mainam ipagiling na brown rice**

2

3 Sa pagprorodyus ng hybrid rice na ginagawang brown rice,
4 inaasahang mas tataas ang kita ng mga magsasaka habang
5 nakatutulong ding makapagbigay ng mas masustansiyang kanin sa
6 ating mga konsyumer.

7

8 Payo ni Fredierick M. Saludez, Science Research Specialist II ng
9 PhilRice, na subukan ng mga magsasaka ang pagtanim ng hybrid
10 rice tulad ng Mestizo 1 at ipagiling itong brown rice para sa mas
11 mataas na kita.

12

13 Ang *brown rice* ay hindi espesyal na barayti ng bigas. Ang brown o
14 *unpolished rice*, na karaniwan ding tinatawag na pinawa, ay palay na
15 inalisan lamang ng balat o ipa. Ito ay kulay *brown* dahil kasama pa
16 nito ang darak. Mas masustansya ito kumpara sa puting kanin dahil
17 ang darak nito ay mayaman sa protina, *fiber*, *vitamins*, *minerals*, at
18 *antioxidants*.

19

20 Ayon kay Saludez , malambot kapag naluto, mabango, at maputi ang
21 Mestizo 1. Kayang umani nito ng hanggang 9.9 tonelada kada ektarya.
22 Dagdag pa niya na mas mataas ng 10% ang *milling recovery* nito kung
23 ipagigiling na brown rice kumpara sa puting kanin.

24

25 Ibig sabihin, kung umani ka ng 9.9 tonelada na potensiyal na ani ng
26 Mestizo 1 at pinagiling mo ito bilang brown rice, nasa 7.7 tonelada
27 ang maprorodyus na brown rice kumpara sa 6.8 toneladang puting
28 bigas.

Rice-Secure Philippines



PHILIPPINE RICE RESEARCH INSTITUTE
CENTRAL EXPERIMENT STATION

29 Halos 1 toneladang bigas ang dagdag kung ipapagiling itong brown
30 rice kaya mas malaki ang kita.
31
32 Naibebenta ang brown rice sa halagang P42 kada kilo. Kung
33 susumahin, dagdag P40,000 ang pwedeng maging kita ng magsasaka
34 kumpara sa pagbebenta ng ordinaryong puting bigas.
35
36 Para sa karagdagang impormasyon, magtext o tumawag sa PhilRice text center
37 bilang 0920 911 1398.
38

Rice-Secure Philippines

